

詩

地

理

徵

皇清經解續編卷千四十一

南菁書院

詩地理徵三

嘉定朱右曾亮甫著

國風

鄭譜在
檜後

譜曰初宣王封母弟友於宗周畿內咸林之地是爲鄭桓公今
京兆鄭縣是其都也爲幽王大司徒甚得周衆與東土之人問
于史伯曰王室多故余懼及焉其何所可以逃死史伯曰其沛
洛河潁之間乎是其子男之國虢檜爲大虢叔時勢鄆仲恃險
皆有驕侈怠慢之心加之以貪冒君若以周難之故寄帑與賄
不敢不許是驕而貪必將背君君以成周之衆奉辭伐罪無不
克矣若克二邑鄆檜補丹依疇歷華君之土也桓公從之後三

年幽王爲犬戎所殺桓公死之其子武公與晉文侯定平王于東都卒取史伯所云十邑之地右洛左沛前華後河食漆洧焉今河南新鄭是也通鑑外紀曰宣王二十二年封季弟友于鄭都咸林括地志曰鄭故城在華州鄭縣西北三里地理志曰鄭國今河南之新鄭本高辛氏火正祝融之虛也及成皋滎陽潁川之密高陽城皆鄭分也

案此亦就六國初之鄭言之其實不止此也

自武公後二

十三世爲韓所滅帝王世紀曰或言縣故有熊氏之虛黃帝所都也郡縣志曰鄭州新鄭縣鄭武公之國都右管寨鄭縣本華州治明省縣入州今屬陝西同州府新鄭縣今屬河南開封府子曰鄭聲淫樂記曰鄭衛之音比于慢矣淫泆之聲使人意靡醜化志氣息慢然言音言聲則非言詩矣夫聲音出乎虛

人乎慮故其發之也微其感人也深夫詩本於人心流於人
口苟非寡廉鮮恥之尤甚者未有口宣淫詞而不愿耳聞淫
語而不怍者故聲音之與詩未可同日語也地理志曰鄭土
陘而險山居谷汲男女亟聚會故其俗淫白虎通曰夫子謂
鄭聲淫何鄭國人民山居谷浴男女錯雜爲鄭聲以相悅懌
故邪僻聲皆淫色之聲也趙岐孟子生曰王豹處淇水而夫
河西善謳所謂鄭衛之聲也夫
天下未有俗淫而聲不淫者聲之淫俗爲之也未有政淫而
俗不淫者俗之淫政爲之也而其終極則以聲之淫淫人之
心而浸以成俗夫子謹其所感班固原其所繇其致一也樂
記疏稱五經異義云今論說今文家之
論語說也鄭俗有滑滄之水男
女聚會謳歌相感故曰鄭聲淫左傳說煩手淫聲謂之鄭聲

者言煩手躑躅之聲使淫過矣謹案

許君案也

鄭詩二十一篇說

婦人者十九

孔氏曰十字衍

故鄭聲淫也以詩爲聲蓋防于此今三

家說不可知依毛詩義惟丰東門之墀溱洧三篇爲淫詩耳

是其淫者七之一而不淫者七之六何以謂之淫聲抑鄭衛

三十九篇雄雉鴇有苦葉新臺牆有茨君子偕老桑中鶉之

奔奔蟋蟀氓淫詩凡九篇則以鄭詩數去之其淫者又居三

之一矣而子獨放鄭聲何哉自許君以鄭詩爲鄭聲于是說

鄭風者舉春秋名鄭所賦以贈答者一切概目之爲淫奔豈

知牀第之言不踰闕苟爲男女褻嫖之詞奚忍出諸其口抑

不慮聞者之掩耳乎樂記曰鄭音好濫淫志宋音燕女溺志

齊音放辟驕志衛音趨數煩志周禮凡建國禁其淫聲過聲

凶聲慢聲聲之與音對文則異散文則通未聞聲音之與詩亦可通也詩可以觀若桑中漆洧諸詩正可以觀耳不然豈子於爲邦欲放之而剛定轉錄之邪吳氏曰齊詩刺哀姜而季札曰泱泱乎大風也哉鄭美武公父子而札曰其細已甚曰大曰細自其土地風氣之發於音聲者言之非繫乎辭也班孟堅曰民性剛柔緩急音聲不同係水土之風氣此可謂能知聲者矣

左傳子產言先君桓公與商人皆出自周與外傳寄孥之說合桓公寄帑則武公當桓公之世已居鄆外傳言鄆由叔姪公羊傳曰先鄭伯有通于鄆夫人者叔姪蓋卽鄆夫人先鄭伯謂武公也寄帑在幽王九年越年而幽王滅武公乃與晉

文侯其立平王卒滅郟郟鄭世家言桓公之時郟郟獻十邑夫十邑者通郟郟言之今以爲郟郟獻十邑且在桓公時俱與外傳抵牾不可信水經注稱竹書紀年晉文侯二年王子多父伐郟克之乃居鄭父之邱是曰桓公然攷文侯二年爲周幽王三年時桓公未爲司徒未謀於史伯何遽滅郟乎且既居鄭父之邱何以又死於幽王之難其謬顯然

祭

水經注長垣縣有祭城祭仲之邑右曾案左傳祭封人仲足杜預曰陳留長垣縣東北有祭城長垣今徙治蒲城屬直隸大名府故城在縣東北三十五里

括地志曰故祭城在鄭州管城縣東北十五里鄭大夫祭仲

邑案封人職守邊竟衛有儀封人宋有蕭封人呂封人皆邊
邑也長垣爲鄭衛鎔鑿之處故杜鄆竝以爲祭仲邑若鄭州
之祭則周祭伯國也

京

地理志河南郡京縣注師古曰卽鄭其叔段所居括地志曰京
縣故城在鄭州滎陽縣東南二十里鄭之京邑郡縣志曰京水
出滎陽縣南平地

清

傳曰清邑也箋曰高克所帥衆之邑也郡國志曰河南中牟縣
有清口水水經注曰清池水出清陽亭西南平地東北流逕清
陽亭南東流卽故清人城也清水又屈而北流至清口澤又北

注于渠水右曾案杜預曰滎陽中牟西有清陽亭潘岳都鄉碑云自中牟故縣以西西至于清溝卽清池水也寰宇記曰清陽亭唐初置清池縣屬管州貞觀初廢故城在中牟縣西方輿紀要曰清池水今在中牟縣西南五十里北注丈入溝

彭 消 軸 河上

傳曰彭衛之河上鄭之郊也消軸河上地正義曰衛竟亦至河南故曰衛之河上郊謂二國郊竟非近郊遠郊也預鼠云適彼樂郊亦總謂竟爲郊也久不得歸師有遷移三地亦不甚相遠故俱于河上右曾案彭後入衛爲彌子瑕采地左傳彭封彌子是也其地未詳約當在今衛輝府延津滑二縣竟

水經注河水東過成皋縣北

沛水從北來注之案縣與懷縣分河爲界也

右逕黃

馬坂北在今汜水縣西十五里又東逕旋門坂北在今汜水縣西南十里又東逕

成臯大伾山下成臯故城在伾上案在今汜水縣西一里西去洛口四十里又東逕板城

北有津謂之板城濟口案在今汜水縣西四十里又東過滎陽縣北滎陽渠出焉案在今滎澤縣地

縣西四十里有石門渠卽蒗蕩渠也又東北逕卷縣之扈亭北春秋盟于扈案在今原武縣西

北又東逕卷縣北晉楚之戰晉軍爭濟舟中之指可拘卽是處也案今原武縣西北七里有卷縣故城

又東北過武德縣東在今武陟縣東東至酸棗縣西左傳于上奔晉及酸棗故城在

今延津縣北十五里河水又東北通謂之延津左傳廩延社預曰在酸棗縣北案今汲縣南有

故延津城又逕東燕縣故城北河水于是有棘津之名東燕故城在故胙城縣東又東淇

水入焉又東右逕滑臺城北右曾案此下所敘已詳鄴地東

燕滑臺故鄭衛錯壤處也

滌說文作滑又有滌水出桂陽臨武水經汝水注有滌水出平輿是鄴地之水當作滑滌非鄭水也然其字變從秦亦

已久矣

說文曰滑水出鄭國郡縣志曰澆水源出鄭州新鄭縣西北三十里右管案水經注曰滑水出郟城西北雞絡塢下東南流逕郟城西又南懸流奔壑崩注丈餘積水成潭廣四十許步又南注于洧詩所謂滑與洧者也世亦謂之爲郟水

洧

國語曰主芣驪而食滑洧地理志密縣有大驪山水經曰洧水出河南密

縣西南馬領山地理志出陽城縣陽城山又東南過其縣南又東過新鄭縣

南滑水從西北來注之注曰黃水也經曰滑水非也案滑水合洧在郟城西南故道元云非也又

東南過長社縣北又東南過新汲縣東北又東南過茅城邑之

東北又東過習陽城西折入于潁地理志洧水東潁南至長平入潁括地志曰洧

水在新鄭縣北三里古新鄭城南與溱水合右曾案黃氏今冰
經曰消水源出密縣東至新鄭會溱水爲雙洎河

齊

譜曰齊者古少昊氏之世爽鳩氏之虛周武王伐紂封太師呂
望于齊是謂齊太公地方百里都營邱成王用周公之法制廣
大邦國之竟而齊受上公之地更方五百里其封域東至于海
西至于河南至于穆陵北至于無棣在禹貢青州岱山之陰濰
淄之野其子丁公嗣位于王官後五世哀公政衰荒淫怠慢紀
侯譜之于周懿王使烹焉齊人變風始作史記齊世家曰胡公
徙都薄姑獻公徙治臨淄封禪書曰齊之所以爲齊者以天齊

括地志曰薄姑在青州博昌縣東北六十里天齊池在青州臨淄縣東南十五里地理志曰齊郡臨淄

縣師尙父所封王氏曰卽營邱也今青州西北四十里右曾案爾雅曰水出其左營邱孫炎曰今齊之營邱淄水過其南及東漢書注臣瓚曰臨淄卽營邱今齊之城內有邱卽營邱也水經注曰臨淄城中有邱淄水出其前經其左故有營邱之名括地志曰營邱在臨淄北百步外城中今青州府臨淄縣東北有古臨淄城

地理志北海郡營陵或曰營邱應劭曰師尙父封于營邱陵亦邱也臣瓚非之曰營陵春秋謂之緣陵兩說相岐紛如聚訟道元辨之曰營陵城南無水惟北有一水世謂之白狼水由爾雅出前左之文不得以爲營邱是也而愚更有六證也天齊淵在臨淄南郊山下齊之名國以此若在緣陵不得有

齊名一也以營陵爲營邱者徒以史記有營邱邊萊萊侯與
之爭之說營陵去萊差近耳不知武王之世太公未嘗就國
金縢言二公穆卜又言二公問諸史展喜對齊侯曰周公太
公股肱周室成王勞之而賜之盟書大傳言太公報政與伯
禽同時是太公就國在成王之世也安得如史記所云豈太
公之見反出於逆旅主人下哉則此事全不足信二也班固
於臨淄自注師尙父所封於營陵注或曰營邱或者疑辭姑
存一說非可案據三也晏子春秋言先君太公築營之邱又
言景公登牛山見後南山北臨其國城而流涕晏子曰使賢者守
之則太公常守之矣此正指臨淄非營陵也四也韓詩外傳言景公登
牛山而泣下晏子曰古無死者則太公丁公至春秋城緣陵
今猶存君方將披蓑笠而立猷猷何暇念死乎

不言杞與城楚邱不言衛同例若本是齊都必有先公之廟
桓公卽欲假仁市恩何至委宗廟於異國五也史記世家言
獻公自薄姑徙治臨淄而應劭云獻公自營邱徙此劭意謂
齊未嘗都薄姑邪抑謂薄姑亦號營邱邪又豈自薄姑復遷
營陵自營陵徙臨淄邪支離之說不攻自破六也杜預釋例
不列營陵於齊地晉書載記慕容德如齊登營邱是亦明證
也

烝民傳曰古者諸侯之居逼隘則王者遷其邑而定其居蓋
去薄姑遷于臨淄而史記則謂齊遷臨淄在夷王之世攷齊
世家云哀公時紀侯譜之周周烹哀公第譜謂懿王烹之
王世胡公當懿王世也徐廣謂夷王烹之據三代世表哀公當其
紀年夷王三年致諸侯烹齊哀公于鼎也而立其弟

爲胡公胡公徙薄姑當周夷王之時哀公同母少弟山殺胡公而自立是爲獻公獻公元年徙薄姑都治臨淄九年獻公卒子武公壽立武公九年周厲王出奔錡以周本紀校之厲王三十七年出奔則獻公元年爲厲王二十年萬斯同紀元葉攷亦云然不得及夷王之末也或曰獻公九年當作二十九年或曰世家當周夷王時句當屬上讀然無論其遷於何時而其城齊必在宣王之世者則自有說臨淄本是齊都豈無城郭其居薄姑僅胡公一世耳繕完葺治何俟蒞以王朝之卿士以世家攷之乃是定齊之亂也世家云武公二十四年周宣王初立二十六年武公卒子厲公無忌立厲公暴虐故胡公子復入齊齊人欲立之乃與攻殺厲公胡公子亦戰死齊人乃立厲公子赤是爲文公年表厲公九

年宣王之十二年也其不曰平亂而曰城齊者爲宣王諱也
傳則原其始而言之非謂齊至是始遷也

詩曰不侮矜寡不畏彊禦又曰袞旒

有闕維仲山甫補之

則已見於言外矣

釋文云崔集注本作嶼案地理志作嶼注
曰山名字或作嶼亦作嶼水經注作嶼

傳曰山名說文曰猫山在齊右曾案隋地理志曰北海郡益都

縣有猫山方輿紀要曰猫山在臨淄縣南十五里

地理志曰臨菑名營邱故齊詩云子之營兮注云毛詩作還

案班氏習魯詩此蓋魯詩之說師古以爲齊詩釋文云還韓

詩作媵媵好貌又案如魯詩說則是詩之作在胡公時矣不

然何不云齊而云營也

呂氏讀詩說引崔靈恩三家詩集注云營茂昌皆地名案地理志琅邪郡

有昌縣紀要青州府諸城縣東北二十五里有昌縣故城又安邱縣西南有牟鄉城又案前書表田廣明封昌水侯在於

陵趙世家攻齊昌
城卽漢昌國縣 地理志又曰埃我于著乎而師古曰著地
名沛南著縣右曾案史記曹參戰沛北攻著漢書曹參收著
深陰卽此著也北齊省廢今沛南府臨邑縣東南五十里有
故著城此亦魯詩之說與毛不合故不別標名改附此

南山

傳曰齊南山也右曾案卽牛山也劉昭稱孟子注曰齊南小山
曰牛山左思齊都賦曰牛嶺鎮其南水經注曰天齊水出南郊
山下在今臨淄縣南十里

魯道

水經注曰汶水南逕鉅平縣故城東西南流城東有魯道詩所
謂魯道有蕩今汶上夾水有文姜臺右曾案括地志曰鉅平城

今爲故城社汶水逕其東其東南卽魯之成邑方輿紀要曰兗州府甯陽縣東北九十里有鉅平城

案甯陽縣在兗州府北五十里泰安府西南百有五里齊魯之通衢大道也齊子由歸在春秋桓公三年經曰九月齊侯

釐送姜氏于譚公會齊侯于譚夫人姜氏至自齊是其事也

載驅詩曰魯道有蕩齊子發夕傳曰諸侯之路車有朱革之質而羽飾發夕自夕發至旦箋曰汶水之上蓋有都焉襄公

與文姜時所會攷春秋經莊公元年三月夫人孫于齊二年

冬十有二月夫人姜氏會齊侯于禚杜預曰齊地左傳定九年齊侯致禚嬭杏于衛

則爲齊衛接界之地四年春王二月夫人姜氏享齊侯于祝邱地形志泰山鉅

平縣有祝邱城非漢東海之卽邱也五年夏夫人姜氏如齊師七年春夫人姜

氏會齊侯于防

地形志齊縣有防城陽縣城

冬夫人姜氏會齊侯于穀

齊地

今東阿縣

胡氏春秋傳曰

如齊師傳

齊詩載驅刺襄公盛其車服疾驅

于通道大都與文姜淫之詩也其三章曰行人彭彭彭者多貌也其四章曰行人儻儻儻儻衆貌也曰會曰享猶爲之名也如齊師則羞惡之心亡矣蓋以載驅所詠爲莊五年夏之事也以愚攷之殆四年及七年春之事耳左傳於會禚曰書姦也於會防曰齊志也杜預曰書姦姦發夫人齊志出於齊侯之意傳舉二端則其餘皆從之夫禚齊地往而會齊侯故知姦發夫人則如齊師會穀可知矣防魯地來而與文姜會故曰齊志則祝邱可知矣載驅之詩明是齊志况祝邱防魯道汶水俱在鉅平故曰詩所詠爲莊四年及七年春之事

也正義以視邱爲姦從夫人穀爲齊志非是

南山之詩其作於魯桓公十八年公既死之時乎首章刺襄

公故以雄狐起興傳訓懷爲思是刺襄公也箋訓來二章刺恐非

文姜也葛屨服之賤者則既兩矣冠綬服之尊者亦雙止矣

言五兩庶民多國止無貴無賤各有配偶箋曰葛屨五兩喻一君一妃故以冠喻

同處冠綬喻襄公五人爲奇說彼齊子既有配偶矣曷又從襄

襄公往從而雙之亦是曲說公而爲淫也箋云襄公送而從之在桓公時無此事若

云在莊公時則下章不應又刺桓公也夫爲妻綱故易著閑家之訓桓公不聽申繻之諫而受制於

一婦人宜其死也故下二章又刺魯桓也

汝水

地理志曰汝水出秦山萊蕪縣原山西南入沛桑欽說右骨案

水經注曰汶水出泰山萊蕪縣原山折地志山在濰川縣東南七十里西南流

逕羸縣故城南在今萊蕪縣西北又西南逕奉高縣北在今泰安縣東屈從縣

西南流又西南逕徂來山在泰安縣東南四十里又南逕博縣故城東

在泰安縣東南又西南逕亭亭山東在泰安縣南五十里又西南逕陽關故城西

在泰安縣西南甯陽縣東北又南逕鉅平縣故城東而西南流又西南逕魯

國汶陽縣故城北郡縣志曰汶陽故城在兗州襄邱縣東北五十四里襄邱今甯陽也又西逕蛇

邱縣南在肥城縣南蛇邱西南有下謙城齊侯送姜氏處又西南逕剛縣北在甯陽縣東北三十

五里元人於此又西南逕東平章縣南在今東平州東七十里又西南逕

桃鄉縣故城西在今汶上縣東北四十里又西南逕壽張縣北在東平州西南又西

南至安民亭今安山鎮而入于泲

魏

譜曰魏者虞舜夏禹所都之地在禹貢冀州雷首之北析城之
兩周以封同姓焉其封城南枕河曲北涉汝水昔舜耕于歷山
陶于河濱禹菲飲食而致孝乎鬼神惡衣服而致美乎黻冕卑
宮室而盡力乎溝洫此以一帝一王儉約之化于時猶存及今
魏君齋且褊急不務廣修德于民教以義方其與秦晉鄰國曰
見侵削國人憂之當周平桓之世魏之變風始作至春秋魯閔
公元年晉獻公竟滅之以其地賜大夫畢萬自爾而後晉有魏
氏地理志曰魏國姬姓也在晉之南河曲又云河東郡河北縣
詩魏國郡縣志曰魏城在陝州芮城縣北五里右曾案芮城縣
今屬山西解州

郡縣志曰河中府春秋時爲魏地輿地廣記曰河中府永樂

縣古魏國漢河北縣唐分芮城置永樂崇唐河中府治河東
縣卽今蒲州府治永濟縣也永樂故城在今永濟縣東南百
二十里又南卽芮城縣也又今榮河縣在蒲州府北百二十
里縣北十二里有汾水蓋魏國之竟狹而脩也

汾

地理志曰汾水出太原郡汾陽縣北山

山海經汾出上黨北說
文出晉陽山水經出汾

陽縣北

管涔山西南至汾陰入河括地志曰汾出嵐州靜樂縣北管涔

山郡縣志曰汾水北去寶鼎縣二十五里右晉案靜樂縣今屬
太原府管涔山在縣北百四十里寶鼎縣宋改榮河今屬蒲州
府汾水在縣北十二里西注於河縣處河汾二水之交也

服虔曰魏在晉之蒲坂與班氏異蓋蒲坂亦魏地耳孟康曰

晉文公以蒲賂秦秦反蒲于魏魏人喜曰蒲反矣故曰蒲反
案左傳晉使魏壽餘僞以魏叛者以誘士會秦伯師於河西
魏人在東士會既濟魏人謀而還診其地望應在蒲坂故曰
河西河東此疑卽孟康之所本亦可見蒲坂之爲魏地矣蒲
坂北接汾陰縣界汾陰有后土祠漢武帝所立在脰上亦曰
魏脰元朔六年得鼎于魏脰后土祠旁是脰亦魏地故唐人
脰上祠碑云故魏晉葵邱之地漢家后土之祠是也譜言魏
竟北涉汾水正義曰其竟踰汾放水經注汾水西逕耿鄉城
北杜預曰平陽皮氏縣東南耿鄉是也汾水又西逕皮氏縣
南又西至汾陰縣北西注于河皮氏故城在今河津縣西二
里古耿城在河津縣東南十二里自河津縣西南至滎河縣

九十里河津爲耿地則魏竟不得踰汾矣班固引詩但稱汾一曲之句此最精於地理一曲者汾入河之處稍折而西南自南望之爲汾曲也通鑑周建德中伐齊諸將以汾曲戍小山平欲進兵於此旣而謀取晉州反軍於汾曲王氏曰自榮河以西皆汾曲也故魏詩之汾祇在榮河之境以上不得通也

山海經沮洳之山郭璞注引詩彼沮洳未詳當攷

十畝之閒

水經注曰故魏國城南西二面並去大河可二十餘里北去首山十許里處河山之閒土地迫隘故魏風著十畝之詩右管案譜言舜禹故都皆在魏竟舜都蒲坂已見於上禹都安

邑在魏東北百四十里大都魏地隨河勢邪曲

郭殺氏故處在其北故知

不方也

截長補短應不減百里之方但其地境瘠多山故民俗

儉嗇非必地陜人稱也碩鼠之詩民方將適彼樂郊何至無所容乎孟子曰五畝之宅樹之以桑漢書食貨志曰田中不得有樹用妨五穀詩言桑者明是中田廬舍之旁采桑來往不得如疏申箋義所云一夫不能百畝纔是十畝之閒也毛詩篇義但云十畝之閒刺時也傳曰剛剛然男女無別往來之貌或行來者或來還者泄泄多人之貌詳傳之意乃是刺國無政使男女無別如樂府羅敷行之類耳自續序言其國制小民無所居箋曲徇序疏又曲徇箋遂云民之所便雖田亦樹桑不知去古則遠人情則近女有餘帛不將農歎斯集

邪

河之干

傳曰干里也右曾案水經注云河水出龍門口河在河津縣西二十五里

水從東來注之又南逕梁山原東在今韓城縣西北又南逕汾陰縣西

又逕卻陽縣東故城在今縣東四十里又南逕陶城西在今蒲州府北三十里南對

蒲津關在府西門外又南過蒲坂縣西在府東南五里又南逕雷首山西臨

大河北去蒲坂三十里後入於晉唐風所云首陽也又南歷船司空與渭水會在今華陰縣東北

又南歷潼關屈而東北流又東逕閿鄉城北郡縣志曰河水在永樂縣南二里

又東過河北縣南東逕芮城芮伯萬出居于魏是其故畫又東逕湖縣故城

北城在閿鄉縣東四十里又東過陝縣北北對茅城故茅戎邑也然則河

自會汾以南至於茅津以西其東岸北岸當俱是魏地

唐

譜曰唐者帝堯舊都之地今日曰太原晉陽堯始居此後乃徙河東平陽成王封母弟叔虞于堯之故虛曰唐侯南有晉水至子燹改爲晉侯其封域在禹貢冀州太行恆山之西太原太岳之野至曾孫成侯南徙居曲沃近平陽焉昔堯之末洪水九年下民其咨萬國不粒於時殺禮以救艱厄其流乃被于今當共和之時成侯曾孫僖侯甚畜愛物儉不中禮國人閔之唐之變風始作其孫穆侯又徙于絳云正義曰地理志云太原晉陽縣故詩唐國晉水所出東入汾河東平陽縣應劭曰堯都也皇甫謐曰堯爲天子都平陽禹受舜禪都平陽或于安邑或于晉陽則夏都亦在晉竟故左傳云命以唐誥而封于夏虛是也地理志

曰唐有晉水叔虞子燮爲晉侯又云河東郡聞喜縣故曲沃也
晉成侯自晉陽徙此又云絳縣晉武公自曲沃徙此以桓叔別
封曲沃武公既并晉國徙就晉都非謂武公始都絳也左傳云
曲沃莊伯伐翼杜預云翼在平陽絳邑縣東穆侯徙絳昭侯以
下又徙於翼及武公并晉又都絳也右曾案括地志曰故唐城
在并州晉陽縣北二里夏后孔甲別封劉累之孫于大夏之虛
爲唐侯及周成王時唐人作亂滅之以封太叔國語董因曰歲
在大火唐叔以封是也史記世家曰唐在河汾之東方百里
東字
誤當作開
說詳下此就始封時言之也又曰西有河西與秦接竟北邊
翟東至河內晉語曰景霍以爲城
山海經景山北望鹽販之澤南望少澤寰宇記景山在聞
喜縣東南章昭以
景霍爲一山非是
汾河澗澮以爲淵此就獻公以後言之也唐

改爲晉在康王之時而詩不曰晉可見康王以前已采得唐國

之風而後之太師因而不改謂成康昭穆之世無風者謬也

釋文

謂本其風俗故云唐則衛風何不云殷魏風何不云虞夏乎 晉陽縣今太原府太原縣也曲

沃故城在今絳州聞喜縣東絳在今平陽府太平縣南二十五里古晉城是也翼在今平陽府翼城縣東南十五里

唐之得名以堯虛晉之得名以晉水唐叔封晉陽賈服班鄭

無異說至皇甫謐則云堯都平陽于詩爲唐國

見正義

而張守

節祖之臣瓚謂唐今河東郡去晉四百里又云堯居唐東于

堯十里括地志謂絳州翼城縣西二十里唐城堯裔子所封

近世顧氏左傳補正祖之紛紛異說請一一辨之地理志於

平陽下不言故唐國應劭曰縣在平河之陽水經注曰平水

出平陽縣西壺口山東逕平陽城南東入汾俗以爲晉水非也通鑑前編曰平水一名晉水此正俗之所名左傳趙朔爲平陽大夫趙鞅入于晉陽以叛截然兩地不得以平陽爲晉陽也旣無晉水安得爲晉之所都則證說非也霍爲文昭武王時封至春秋閔公元年始滅於晉地理志曰河東猗縣故霍國唐霍豈竝處一二十里之閒乎且去晉四百里何取乎晉之名以名其國乎則證說非也翼城之唐漢人無言之者卽道元博極羣籍而滄汾注中曾不一及爲此說者祇見左傳有成王滅唐而封太叔之語而是時之晉都於絳沃新田以爲前世遷都亦必不遠不自知其鑿空無據也則括地志之說非也顧氏補正曰翼絳北距晉陽七百餘里卽後世遷

國遠不相及况霍山以北皆戎狄之地自悼公以後始開縣
邑又據世家唐在河汾之東一語謂冀城正在二水之東而
晉陽在汾水西不合此尤目不見睫之論也祀遷東國許遷
容城楚遷壽春或千餘里或七八百里何云遠不相及晉封
太原逼近戎狄故祝鮀述唐叔之封曰疆以戎索然當成康

之世周道邳隆狄亦不能爲患故詹桓伯曰肅慎燕亳吾北

土也

燕亳卽燕京春秋襄公十年同盟于亳城北公羊作京

城北形相似而馮也後漢書西羌傳王季伐燕京之戎

十三州志汾水出雁門武

州縣之燕京山卽其地也周官職方氏并州澤藪曰昭餘祁

地理志曰太原鄆縣九澤在北并州藪則晉陽正在并州之
域安得謂皆戎狄之地乎成侯徙都計其時蓋當穆王共王
之世是時周道始衰徐戎侵洛翟人侵畢畿輔近地猶有戎

狄之轍而况太原成侯之徒有由然也顧氏乃以春秋之時
勢上例宗周之盛何哉史記正義引世本唐叔居鄂宋忠曰
鄂在大夏括地志曰故鄂城在慈州昌甯縣東二里然封於
河汾二水之東正合在晉州平陽縣張守節以平陽爲唐誠
謨然足證史記東字之譌何則水經言汾水過平陽縣東郡
縣志言平陽縣東有汾水則平陽故城亦在汾西河東今平陽府
理臨汾縣治白馬城則在汾水東矣而張氏案文定義云正在此可見史記及
正義兩東字原本竝作閒字今傳刻訛耳唐風疏引此亦作東否則云
唐在汾東於義已足何必言河顧氏之辨亦未之思也

水經曰晉水出太原晉陽縣西懸臺山注曰地道記及十三州志並云出龍山

云出結嶺山在縣西北又東過其縣南又東入于汾水徐才

宗國都城記

見史記正義

曰夔父居晉水旁蓋卽漢晉陽縣矣地

理志曰河東土地平易有鹽鐵之饒本唐堯所居詩風唐魏之國是也其民有先王遺教君子深思小人儉嗇

王氏稱諸侯譜曰晉穆侯遷都于絳孝侯改絳爲翼獻公又命曰絳景公遷于新田案杜預土地名絳今絳邑縣翼今絳邑東有翼城郡國志補注曰翼在絳邑縣東八十里是翼非卽絳也蓋昭侯爲潘父所殺孝侯旣誅潘父心畏桓叔之強東徙於翼至武公又自曲沃徙絳獻公城之左傳漢書可據非獻公復改翼爲絳也

沃

傳曰沃曲沃也水經注曰左邑縣故城故曲沃也涑水自城西

注水流急濬故詩人以爲激揚之水曹氏曰自桓叔封曲沃至武公滅晉凡六十七歲右曾乘左邑故城在今絳州聞喜縣東漢書武帝元鼎六年將幸緱氏至左邑桐鄉聞南越破以爲聞喜縣是聞喜縣治乃故左邑之桐鄉也應劭曰聞喜今曲沃也秦改爲左邑郡國志劉昭注曲沃在縣東北數里與晉相去六七百里見毛詩譜注此注未詳何人所作據此是聞喜亦古曲沃地而曲沃故城乃卽左邑廢縣也地理志左邑聞喜並屬河東郡國志無左邑縣詳應氏之說似東漢罷左邑而以聞喜治之班氏但據見在縣邑書之故不係曲沃於左邑而係之聞喜也桐鄉故城在今平陽府曲沃縣西南四十五里接聞喜縣界

葵邱之五命曰無有封而不告趙岐注曰無以私恩擅有封賞疏謂如楚取彭城以封魚石是也左傳晉滅偃陽以子向戍向戍辭曰是臣勤諸侯以自封也史記楚昭王將以書社七百封孔子是國與邑可通言封也左傳封桓叔於曲沃亦祇賜之以邑耳但大都耦國禍亂之基故師服曰晉甸侯也而建國本既弱矣言晉祇甸侯而成師在沃儼然敵國能無亂乎乃孔氏正義遽倡爲沃國之說椒聊疏曰桓叔別封于沃自是鄰國相陵安得責其不臣違義害經莫此爲甚

鵠

傳曰曲沃邑也正義曰曲沃旁更有邑右曾案水經注曰左邑故曲沃詩所謂從子于鵠者也則鵠沃爲一地李廷寶曲沃辨

云今沃南十里有安鵠村卽古鵠邑則在今曲沃縣也未知孰是

首陽

正義曰首陽之山河東蒲坂縣南馬融曰華山之北河曲之中水經注曰雷首山臨大河北去蒲坂三十里郡縣志曰在河中府河東縣南十五里輿地廣記曰在永樂縣北三十里右曾案此本魏國之山春秋閔公元年晉滅魏僖公五年冬十二月晉獻公信驪姬之讒殺其世子申生於是公子重耳奔蒲夷吾奔屈父子之親而讒言行焉國人懼矣此詩儻作於此時與山在今蒲州府東南三十里

秦

譜曰秦者隴西谷名于禹貢近雍州鳥鼠之山堯時有伯翳者
實皋陶之子佐禹治水水土既平舜命作虞官掌上下草木鳥
獸賜姓曰嬴歷夏商興衰亦世有人焉周孝王使其末孫非子
養馬于汧渭之間孝王爲伯翳能知禽獸之言子孫不絕故封
非子爲附庸邑之于秦谷至曾孫秦仲宣王又命作大夫始有
車馬禮樂侍御之好國人美之秦之變風始作秦仲之孫襄公
平王之初興兵討西戎以救周平王東遷王城乃以岐豐之地
賜之始列爲諸侯遂橫有周西都宗周畿內八百里之地其封
域東至邈山在荆岐終南惇物之野至元孫德公又徙于雍云
正義曰伯翳伯益聲轉字異一人也秦本紀云大業生大費是
爲伯翳列女傳云皋子生五歲而佐禹曹大家注云皋陶子伯

益也然則皋陶大業一人也中候苗興云皋陶之苗爲秦是也

中潘以來世保西垂常有國土非子分其國地別爲附庸地理

志曰非子邑于秦隴西秦亭秦谷是也史記曰厲王無道西戎

滅犬邱大雒之族秦仲之子莊公伐西戎破之并得大雒之地

文公元年

襄公

居西垂宮三年冬居汧渭之間甯公

文公

二年

徙居平陽德公

甯公子武公弟

元年初居雍獻公徙櫟陽孝公居咸陽

世紀云襄公徙汧

文公還居大邱

折地志曰秦州清水縣本名秦通典曰秦州

古西戎之地秦始封之邑輿地廣記曰秦州隴城縣有秦谷右

曾案徐廣曰天水隴西縣有秦亭今秦州清水縣西南二十五

里故秦城是也括地志曰西犬邱在秦州上邽縣西南九十里

今秦州西南百二十里有西縣故城古西垂也襄公居汧括地

志曰隴州汧源縣東南三里有汧城汧源明省入隴州今屬鳳翔縣西距秦州二百五十里平陽故城在今郿縣西四十六里雍故城在今鳳翔府鳳翔縣南七里櫟陽故城在今西安府臨潼縣北三十里咸陽故城在今縣東三十里

康成曰邾滕紀莒之等以其國小蔑而不錄其詩信如此言又安得有附庸之詩哉夫檜爲子男之國見於國語而儼列於風秦仲爲附庸之君而車鄰儼登於什可知西周之世無國無風矣且今僅以車鄰爲秦仲詩者毛詩說耳服子慎左傳解云秦仲始有車馬禮樂之好侍御之臣戎車四牡田狩之事其孫襄公列爲秦伯故兼葭蒼蒼之歌終南之詩追錄先人車鄰駟騶小戎之歌與諸夏同風故曰夏聲依此則駟

職小戎亦秦仲之詩矣疏引鄭語以證秦之國大於邾莒夫桓公訪於史伯在幽王九年秦仲之卒在宣王六年秦仲既卒其子莊公伐西戎并得大雒之地故史伯云國大而有德者近興秦仲齊侯姜嬴之雋也且大其將興乎姜嬴之雋原其先人之有德且大言莊襄之闕國豈謂秦仲之國已大乎董子曰附庸方三十里者字方二十里者名秦仲以字配國正猶之邾儀父蕭叔之類耳

地理志曰天水隴西山多林木民以板爲室屋及安定北地上郡西河皆迫近戎狄修習戰備高上氣力以射獵爲先漢興六郡良家子選給羽林期門以材力爲官名將多出焉

阪

傳曰陂者曰阪正義曰李巡云陂者謂高峯山陂曹氏曰說文阪山脅也地理志隴西有隴坻在其西注隴阪也卽今隴山三秦記其阪九迴欲上者七日乃越高處東望秦川然則阪固秦地之所有也右曾案水經注曰秦水出大隴山秦谷西歷秦川有故秦亭秦仲所封也又西南注清水郡縣志曰秦州清水縣有小隴山一名隴坻方輿紀要曰隴州隴山在西北六十里小隴山在西八十里路通臨鞏爲秦鳳要害

西戎

漢書匈奴傳秦襄公伐戎至邽始列爲諸侯右曾案西戎犬戎昆夷一也本在塞外爲荒服屬宣以後入居中國幽王之末散處岐豐襄公攘之故云伐戎至邽詳小雅昆夷西戎

終南

傳曰周之南山中南也左傳曰中南九州之險也地理志曰右扶風武功縣東有太一山古文以爲終南關中記曰中南言在天之中居都之南也郡縣志曰南山東抵陝號西接岐州長安志曰終南橫互關中南面西起秦隴東徹藍田相距八百里右曾案襄公居汧在今隴州終南首起於此故以托興班志言在武功者指其主山也武功故城在鳳翔府郿縣東四十里

鄭譜言襄公遂橫有周西都畿內八百里之地而史記秦本

紀言平王封襄公爲諸侯賜之岐山以西之地其子文公遂

收周餘民有之地至岐岐以東感之周案本紀是也甯公二

年魯隱

遣兵伐蕩社

括地志雍州三原縣有湯陵

三年與亳戰亳奔戎遂

滅蕩社十二年伐蕩氏取之武公元年

晉桓十五年

伐彭戲氏

彭

衙至華山下十年伐邽戎初縣之

地理志隴西有上邽縣天水有冀縣

十一

年初縣杜鄭

京兆有杜縣鄭縣

滅小虢德公元年居雍城卜居雍後

子孫飲馬於河是德公之世竟尙未至於河曾謂襄公遽有

周都八百里之地哉秦孝公令曰穆公東平晉亂以河爲界

李斯諫逐客書曰穆公并國二十遂霸西戎是東地至於河

者穆公也平王東遷之後有黍離之詩是東西都聲問未嘗

絕也鄒徒見終南之詠大夫之戒襄公者已引終南爲喻遂

謂襄公亦得岐東今攷昔人言山之太者太行而外莫如終

南史記曰秦嶺天下之大阻也漢書東方朔傳曰南山出玉

石金銀銅鐵豫章檀栢又有秔稻梨栗桑麻竹箭之饒後漢

書曰赤眉大掠長安乃引而西自南山轉掠城邑入安定北

地括地志曰終南山橋山楚山秦山周南山地肺山凡有

七名郡縣志曰南山谷之大者有五斜谷

鳳翔府郿縣西南三十里卽褒斜道

駱谷

西安府藍屋縣西南百二十里卽儻駱道也

子午谷

在長安縣西南百里王莽通子午道卽此藍

田谷

在縣東南路通上洛古曉關也

衡嶺谷

亦在藍田縣

是也郿縣斜谷正值岐

山斜谷之西又有箕谷三國志諸葛亮伐魏揚聲由斜谷道

趨郿而使趙雲鄧芝據箕谷在今鳳翔府寶雞縣東南四十

里則在岐山之西矣

柳宗元曰終南據天之中在都之南西至于商顏又東至于太華以要之自西抵東綿互不絕實皆

至于商顏又東至于太華以要之自西抵東綿互不絕實皆距于關塞能作固以屏王室

一山何必豐鎬之開始爲南山哉

紀

傳曰基也正義曰山基也曹氏曰崔靈恩集注本作岷曰終南之旁有岷山

堂

傳曰堂畢道平如堂也箋曰畢終南之道名邊如堂之牆然正義曰釋邱云畢堂牆李巡云堂牆名崖似堂牆曰畢郭璞曰今終南山道名畢其邊若堂之牆郡縣志曰畢原在京兆府萬年縣西南二十八里寰宇記曰堂卽畢原也右曾案堂以崖高如牆爲義亦以高平爲義故曰道平如堂箋亦曰畢也堂也亦高大之山所宜有也今鳳翔府竟渭水之南有方山原隴州西南二百里和尙原寶雞縣西南三十五里八角原寶雞縣東三十里五丈原郿縣西三十里皆平如堂者也

渭陽

箋曰秦時都雒至渭陽者蓋東行送舅氏于咸陽之地正義曰
晉在秦東地理志曰右扶風渭城縣故咸陽也其地在渭水之
北那縣志曰京兆府咸陽縣渭水在南三里秦咸陽故城在今
縣東二十二里右曾案知在咸陽者咸陽在渭北涇南自雒至
此必渡涇而東至於蒲津春秋晉伐秦濟涇而次亦此地也

正義曰雒在渭南東行必渡渭誤也水經注云雍水出雍山
東南流逕秦惠公所居祈年宮東又東逕召亭南又東南與
橫水合又南逕美陽縣西又南流注于渭雍山在今鳳翔縣
西北三十里祈年宮亦曰橐泉宮今鳳翔府治也其南七里
爲故大鄭宮城卽秦所都也美陽故城在今武功縣西北二

十五里雍水出雍而東南入渭則雍在渭北矣方輿紀要曰

岐山縣在府東五十里渭水在南三十五里自寶雞縣

縣在府西

南九里東流入境則渭逕雍南而不入其竟明矣

陳

譜曰陳者大皞虞戲氏之虛帝舜之自有虞闕父者爲周武王
陶正武王賴其利器用與其神明之後封其子媯滿于陳都于
宛邱之側是曰陳胡公以備三恪妻以元女太姬其封域在禹
貢豫州之東其地廣平無名山大澤西望外方東不及明豬太
姬無子好巫覡禱祈鬼神歌雩之樂民俗化而爲之五世至幽
公當厲王時政衰大夫淫荒所爲無度國人傷而刺之陳之變
風作矣正義云案樂記陳與薊祝共爲三恪杞宋別爲二王之

後地理志曰淮陽國陳縣故陳國舜後胡公所封也又曰太姬
婦人尊貴好祭祀用巫故其俗尙巫鬼通典曰陳州宛邱縣古
陳國都右魯案水經注曰陳城東北三十許里猶有羲城實中
通典曰神農都陳左傳曰實德于遂遂世守之及胡公不淫是
胡公爲遂之支裔也地理志但言太姬好祭祀用巫匡衡疏亦
云陳夫人好巫而民淫祀不言無子左傳云陳我周之自出至
于今是賴是太姬有子也陳縣今爲陳州府治淮甯縣也

宛邱

傳曰四方高中央下曰宛邱正義曰釋邱云宛中宛邱言其中
央宛宛然是爲四方高中央下也郭璞曰宛邱謂中央隆峻狀
如負一邱矣案爾雅上文備說邱形有左高右高前高後高若

此宛邱中央隆峻言中央高矣何以變言宛中故李巡孫炎皆取此傳爲說爾雅曰陳有宛邱注曰今陳郡陳縣水經注曰宛邱在陳城南道東王隱云漸欲平今無處矣王氏曰今陳州城在古陳城內西北隅陳都在宛邱之側

案爾雅云宛中宛邱又云邱上有邱曰宛邱陳有宛邱此郭氏所以訓宛中爲中央高峻也夫毛公之時宛邱無恙此必目驗知之李巡孫炎亦前於郭氏而從毛傳則其邱可知王隱與郭氏相去不遠云漸欲平意璞或以漸平者不足爲名邱別指陳地之邱以爲宛邱故顯違毛訓乎至於後魏酈氏遂謂今無處矣則後世之所謂宛邱如郡縣志云在陳州宛邱縣南三里輿地廣記云邱上有邱今其地形則然寰宇記

云在宛邱縣南三里高二丈皆非詩之宛邱也

東門之池

水經注曰陳城東門內有池池水東西七十步南北八十許步水至清潔而不耗竭不生魚草水中有故臺處詩所謂東門之池也郡縣志曰東門池在陳州城東門內道南右晉案據此則正義謂在東門外者非也

墓門

傳曰墓門之道右晉案古者族葬晉之九京魯之闕公氏是也陳則未詳序曰刺陳佗也左傳桓五年文公子佗殺桓公太子免而代立經六年蔡人殺陳佗公羊傳曰淫于蔡蔡人殺之左傳云陳厲公蔡出也故蔡人殺五父而立之則佗卽五父厲公

則桓公之子躍也史記謂佗與五父爲二人以厲公爲佗以躍爲利公又謂厲公立七年如蔡淫而蔡人殺之果爾則春秋不應書爲陳佗矣詩序亦當云刺厲公矣是則遷之誤也

墓門之詩蓋刺佗之淫佚楚詞天問何繁鳥萃棘負子肆情王逸注云解居父聘吳過陳之墓門見婦人負其子欲與之淫佚婦人引詩刺之曰墓門有棘有鴟萃止列女傳陳辨女者陳國采桑之女也爲歌曰墓門有棘墓門有梅云云攷吳之通于上國在魯成公之世而陳佗在魯莊之時詩本刺佗之淫而辨女卽歌以刺居父其義正同也

防邛

傳曰防邑也邛邱也郡國志陳國陳縣劉昭稱博物記曰邛地

在縣北防亭在焉

株林

傳曰株林夏氏邑也正義曰邑在國外劉昭郡國志補注曰陳有株邑蓋朱襄之地右曾案詩云朝食于株計其邑必近國今亡其處或曰西華縣有夏亭城去縣三十里縣在陳州府西北九十里

郡縣志曰宋州柘城縣本陳之株邑故柘城在甯陵縣南七十里陳株邑也攷方輿紀要曰歸德府西南至陳州二百八十里甯陵縣在府西六十里然則柘城在陳國東北百四五十里也寰宇記曰陳州南頓縣西南三十里有夏亭城城北五里有株林攷紀要云商水縣在陳州西南九十里南頓城

卽今縣治古頓城在縣北三十里然則商水乃古頓國地且俱迴遠非是

檜

善在衛後鄭前左傳國語作郇地理志作會

譜曰檜者古高辛氏火正祝融之虛在禹貢豫州節一滎波之南於滎泊之間祝融氏名黎其後八姓惟妘姓檜者處其地焉周夷王厲王之時檜公不務政事而好絮衣服大夫去之于是檜之變風始作其國北鄰于號釋文曰王云周武王封之于洧洛河潁之間爲檜子正義曰杜預云檜城在滎陽密縣東北妘姓之中又有郟路偃陽故指檜以別之楚世家云吳回生陸終陸終生子六人四曰會人世本會人檜之祖也故韋昭服虔皆云檜是陸終第四子求言後鄭語以爲黎後者以吳回係黎之

後復居黎曠故本之黎也通典曰河南密縣古鄆國有鄆水郡

縣志曰鄆城在鄭州新鄭縣西北

舊作東北誤也

三十二里

括地志作二十二里

右曾案據左傳國語公羊傳則幽王末寄帑於檜武公因通其夫人叔姪平王之初遂取其國而滅之焉高氏曰鄆城在禹州密縣東北五十里

禹貢外方康成曰潁川密高縣密高山蓋本地理志今登封縣北之太室山也於密縣爲西北譜曰檜在外方之北劉楨曰鄆在外方之北都梁之南左涉右洛居兩水之間食滄消焉然徐廣馬彪杜預並言檜在密縣則不得爲外方之北也檜風皆西周之詩而匪風云誰將西歸懷之好音似是東周人語此蘇氏所以有檜詩皆爲鄭作之說余友魏默深所著

詩古微本鄭譜次第以爲篇簡錯亂匪風當是王風之末篇以愚攷之乃是刺鄆仲之受鄆帑賄也桓公寄帑賄於檜在幽王八年越二年而有犬戎之難公羊傳言先鄭伯有善於鄆公者通其夫人以取其國夫人卽周語所謂叔姁也先鄭伯則武公也帑孛字通桓公以武公寄檜武公遂貧緣以通其夫人及平王之初遂取其國蓋自寄帑以來不過四五年耳匪風之作殆見帑賄之寄爲檜亡之徵欲以覺悟其主乎夫帑賄之來無端而至非其道也故以發發之飄風興偈偈嘒嘒之車疾驅而至而鄆仲曾不爲按劍之眄恬而受之至使中冓有言桑中志喜下國之亂如此非由王朝無人周道滅乎憂國之士是以顧之而怛然也未章言享魚煩則碎治

民煩則散，仲既恃勢而不德，民將散矣。况又受鄭之寄，以促其亡乎？如有能還帑賄於西者，猶可延旦夕之命。我將懷之好音矣。此則匪風之義也。自毛詩篇誼，但云思周道圖小政，亂憂及禍難而不實指其事。夫禍難之端，孰如帑賄之寄，孰如寄帑滅虢檜之速。詩人豈於此不言而漫爲無病之呻吟，又豈不憂其國之將亡，而但泛焉憂天下之無王哉。康成作箋，不申憂及禍難之爲何事，而爲檜在周東，有能西仕於周者，我則懷以好音。夫西仕於周，何救禍亂，衛武公、鄭武公、莊公入仕於周，東西周俱有之大車之箋，謂子男入爲大夫，鄭豈遽忘之哉。何詩人於此乃設一不可必之詞，擬一無何有之人曰：誰將西歸乎。

曹

諸曰曹者禹貢兗州陶邱之北地名周武王既定天下封弟叔
振鐸于曹今日沛陰定陶是也其封域在雷夏荷澤之野昔堯
嘗遊成陽死而葬焉舜漁于雷澤民俗始化其遺風重厚多君
子務稼穡薄衣食以致蓄積夾于魯衛之間又寡于患難末時
富而無教乃更驕侈十一世當周惠王時政衰昭公好奢而任
小人曹之變風始作地理志曰沛陰定陶縣故曹國周武王弟
叔振鐸所封禹貢陶邱在西南陶邱亭在南正義曰曹都雖在
沛陰其地則踰沛北郡縣志曰古曹國在曹州沛陰縣東北四
十七里案本定陶縣唐貞觀初省爲定陶鎮輿地廣記曰廣濟軍定陶縣宋太平興國中
復置縣元祐中故三農國陶邱在西南荷澤在東北右曾案今

定陶縣屬曹州府

南山

傳曰曹南山也括地志曰有曹南因名曹郡縣志曰在曹州

陰縣東二十里

袁守記在東南

詩南山朝濟是也右晉案春秋僖公十

九年諸侯盟于曹南卽此十道志曰曹南山汜水出焉

水經注以爲分

汜入

漢書高祖卽位汜水之陽明一統志曰山在曹州南一百

里州今爲府治菏澤縣

方輿紀要云在曹縣南八十里未詳

郇

傳曰郇伯郇侯箋云文王之子爲州伯左傳曰郇文之昭也服

虔曰郇國在解縣東郇瑕氏之虛也說文曰國在晉地水經注

曰涑水西逕郇城郇伯故國也今解城東北二十四里有故城

在猗氏縣故城西北

杜預云在解西北非也

輿地廣記曰河中府猗氏縣

有郇城

括地志曰在縣西南四里

右曾案方輿紀要曰蒲州臨晉縣有解城

在縣東南十八里春秋時之解梁城漢之解縣也有郇城在縣

東北十五里文王子郇國也

幽

地理志曰右扶風枸邑有幽鄉詩公劉所邑徐廣曰漆縣東北

有幽亭

杜預說同晉省枸邑入漆縣故也

通典曰邠州故幽國郡縣志曰古幽

城在邠州三水縣西三十里枸邑故城在東二十五里括地志

曰三水縣西十里有幽原幽城在原上右曾案國語曰夏之衰

棄稷弗務我先王不窋用失其官而自窋于戎狄之間周本紀

曰不窋奔戎狄之間然則自邠適戎狄者不窋也周本紀曰公

劉雖在戎狄間復修后稷之業百姓懷之公劉卒子慶節立國于豳然則公劉非自邠出徙也韋昭注國語以爲不窋當太康之時周本紀曰不窋卒子鞠陶立卒子公劉立公劉爲不窋之孫則非太康之世也方輿紀要曰慶陽府治安化縣卽古不窋城南至邠州二百七十里三水縣在邠州東北七十里又曰州東北有豳亭州東五十里有豳谷又有古公城今爲古公鄉

七月者豳之風也民俗歌謠之詩也公劉立國於豳至于太王奕世載德勤恤民隱重農務本民懷其化於是作七月之詩周公采之以訓成王於以見先公忠厚之化致此淳俗周之王業實基於是故毛詩篇韻曰陳王業也不登於二南者魯先公以別於文王之化也不入於二雅者間巷之作非朝

廷之事也何以言之地理志曰昔后稷封釐公劉處豳太王徙邠其民有先王遺風好稼穡務本業故豳詩言農桑衣食之本甚備孔叢曰于七月見豳公之所以造周也此卽陳王業之說也而班氏推本於民風是知詩之作於民間也續序言周公遭變故陳后稷先周風化之所由致王業之艱難亦未明言周公所作至康成作譜乃言周公避流言之難出居東都二年思公劉太王居豳之職憂念民事至苦之功以比序已志後成王迎而反之攝政致太平其出入也一德不回純似于公劉太王之所爲太師大述其志主意于豳公之事故別其詩以爲豳國之變風焉夫周公之陳此詩也在遭變以後與邠未遭變與書缺有閒不可得知顧謂述序先公之

職以比序已志太師以其主意幽公而別之爲幽風殆不然矣。縣述太王不聞爲岐風生民述后稷不聞爲邠風且召康述公劉則登於雅矣。周公述文王又登於雅矣。七月果爲周公所作何以不登於雅而別之爲幽風。以王朝三公之制作下儕於國風則雅降爲風何待平王哉。鄭志蒼張逸周公事專爲一國上冠先公之業所以在風下次于雅前此自是鄭之臆說豈可以言毛義哉。

說文曰邠周太王國在右扶風美陽。从邑分聲。重文幽美陽。亭卽邠也。民俗以夜市有幽山。从山从彘。此許氏之誤也。美陽有中水鄉。周太王所邑見於地理志。所謂岐周也。東北去

幽百三四十里。

烏呼聖人之心其不可見乎周公之誅管蔡商奄於書則金
縢大誥於詩則鴟鴞東山破斧顯末具在而不能不爲說之
者所亂聖人之心可得見哉予嘗攷其歲月比其事之終始
而論之以附於說詩書之末焉昔者武王十三年克殷十五
年有疾周公請以身代十七年十二月武王崩成王元年二
叔流言夏六月葬武王三監及淮夷叛周公東征二年克殷
封微子代殷後周公作鴟鴞秋成王迎周公三年踐奄定淮
夷還歸誥庶邦四年遷殷民封康叔於衛五年營成周六年
制禮樂七年致政何以言之逸周書作雒解云武王克殷既
歸乃歲十二月崩錫周公立相天子三叔及殷東徐奄熊盈
以畔乃歲者乃後之歲立爲位冢宰總百官也金縢曰武王

既喪管叔及其羣弟流言于國曰公將不利于孺子書傳曰
武王殺紂繼公子祿父及管蔡流言奄君薄姑謂祿父曰武
王已死矣成王幼矣周公見疑矣此百世之時也請舉事于
是祿父及三監叛夫管蔡流言原欲閒疏周公於王王疏周
公則公必遜位羣叔無長於管叔者則王必召管叔而與之
政金縢書之曰管叔及其羣弟言管志也周公知管叔之不
足以定天下故卒相王室管叔之計不行故謀叛益亟史記
魯世家云武王崩成王少周公恐天下聞武王崩而叛乃攝
行政當國管叔流言周公乃告太公召公曰我之所以弗辟
而攝行政者恐天下叛周無以告我太王王季文王三王之
憂勞天下久矣于今而後成我所以爲此將以成周于是卒

相成王管蔡武庚等果率淮夷而反周公乃奉成王命興師東伐書序曰武王崩三監及淮夷叛周公相成王將黜殷命作大誥是武王崩後三監卽叛周公卽征其征也以成王命而非專兵擅制明矣伏生書傳曰攝政一年救亂謂此也此則成王元年之事也逸周書二年作師旅臨衝攻殷此紀克而連作師旅言之殷大震潰王子祿父北奔管叔經而卒乃囚蔡叔于郭陵書傳曰攝政二年克殷書序曰成王既黜殷命殺武庚命微子啟代殷後作微子之命唐叔得禾異畝同穎獻詩天子王命唐叔歸周公於東史記云歸周公于兵所作歸禾周公既得禾放天子之命作嘉禾夫天降福祉成王不敢尸其功而以歸之周公則君臣之間初無疑忌可知也王有弱弟能奉使

成周詩聖人之所錄也七月陳先世之風以明王業之艱難
鷓鴣明人倫之變而憂天保之未定鷓鴣之志卽七月之志
也繼之以東山破斧伐柯九段狼跋以見內弭父兄外援諸
侯上格神主下輯兆民不出三年憂勞勤苦若是其至也皆
所以著明周公之心乎天下也故曰唯聖人能知聖人也洎
乎秦漢去聖遠大道蕪靡說蠹起荀卿大儒也而創爲履天
子籍聽天子之斷以啟莽操之端馬遷良史也而刺取周公
奔楚之文以髣髴金縢之說馬融鄭氏許慎王肅說經名家
也而弗辟則辟位辟罪辟法異訓居東則東征東都殊文消
亂學者之耳目蓋千餘年於茲矣夫常人之情不可以測賢
者而况於聖避位者避嫌也避嫌之事賢者弗爲辟罪辟法

不告之成王而告之二公是專輒也專輒之事恆情弗順而
鄭氏又雜取孫卿馬遷之謬記以罪人爲公屬之與知攝者
公爲鷓鴣以請之王吾不知其視王爲何如人視二公爲何
如人而周公又奚論哉嗟乎去聖遠大道蕪厖說益起非好
學深思者惡能心知其意庶幾聖人之心於萬一哉故僅擇
周秦之醇說比次其歲月而妄測之曰弗辟之心卽請以身
代之心雷電以風之天卽翼日乃瘳之天取子毀室之詠卽
死喪孔懷之詠瘖口噤音之志卽勤施勞作之志而總之一
致天明命定天保永靈期俾皇祖得高位於上帝之心也願
以質世之讀鷓鴣金滕者

或曰子以七月非周公作固已鷓鴣之附於幽何也曰鷓鴣

猶七月也陳七月於未遭變之前陳鷓鴣於已遭變之後使若錄舊也者而後人遂以爲幽人刺幽君之作見趙岐孟子注然則東山以下之附於幽何也曰是固有不得不然者將附於二雅乎雅之中無此體制也將附於二南乎變風不可以爲正也將別一編乎周公不之魯不可以爲魯風壓於天子不可以爲周風鷓鴣既附於幽矣則太師亦竊取周公之意而附之幽焉兩季札聞歌幽樂而不淫其周公之東乎樂而不淫謂七月也周公之東謂鷓鴣東山也

東山

右曾案黎陽東山也一名大伾禹貢導河至于大伾國語商之興也檇杌次于丕山漢書溝洫志賈讓言黎陽南故大金

隄從河西西北行至西山南頭乃折東與東山相屬北盡魏界卽此東山也今在衛輝府濟縣東二里周五里高四十丈有奇舊說謂周公居東爲東都非也伏生書傳攝政五年營

洛邑

王肅云七年

而克殷在攝政二年時無東都也武王度邑未

嘗營建至成王定鼎於郊鄩而後東都之名定故知非也詩言東山史記以東爲兵所周書言臨衛攻殷一也墨子曰昔周公非闢叔東處于商雖傳聞異詞可見居東卽東征在商地矣其所以必徂東山者是時管蔡首亂敗商而徐奄蒲姑淮夷同時煽動徐在臨淮奄在魯蒲姑在齊淮夷在淮浦熊盈未詳黃帝之後有熊姓少昊之後有盈姓盈通大率皆東諸侯也商在河北與之往來必道黎陽東山距武庚所居之

朝歌纔七十餘里俯臨大河控扼要津

黎陽津南岸曰白馬津張儀說趙王秦守

白馬之津此由南以制北也韓非說秦王決白馬之口以沃魏此由北以制南也

以此離其黨與制

其死命此商之所以大震也

王氏曰唐杜牧以河北爲山東秦漢謂山東山西者皆指太行山東山卽商地案商都在太行山東故衛滑相魏洛邢皆目太行爲西山三國志袁尙循西山而南是也自澤潞晉絳言之乃爲東山周公伐殷不應舍河南坦途取道于晉之山險使武庚置一軍塞壺口則周敗矣故知不然也且管蔡本封俱在河南周公徂征自必先舉管蔡而後及殷衛世家云管蔡與武庚作亂欲攻成周此雖探其意而爲之詞亦可見時之所急在河南必不道晉絳澤潞而東也

四國

傳曰管蔡商奄也正義曰書序云成王既黜殷命成王既伐淮夷遂踐奄皆東征時事不敷淮夷者以淮夷是東方之夷四國謂諸夏之國也書序言成王者君統臣功此則專美周公也說文曰奄國在魯書多方序注曰奄國在淮夷之旁左傳注曰奄嬴姓括地志曰兗州曲阜縣奄里卽奄國之地也右曾案郡國志曰魯國魯縣古奄國

白虎通引傳曰周公入爲三公出爲二伯中分天下出黜陟詩曰周公東征四國是臯言東征述職周公黜陟而天下皆正也此所引傳未知何書但破斧缺斨明是征殷之士托以起興周公黜陟修二伯之職何有斧斨之破缺傳蓋斷章取

義未可據以說詩也

皇清經解續編卷四十一終

仁和葉維幹
上海范本禮校